

Radunonza general dils 30 d'uost 2002

1. Beinvegni: Allas uras prevegnidas arva il president André Schmid la radunonza e sa beneventar 4 umens e duas dunnas presentas. Tier la la suprastonza maunca la revisura da quen.
2. Gion Giachen Monn vegn proponius ed elegius sco dumbravuschs.
3. Il rapport dil president ei staus publicaus en la Tuatschina. Il president menziunescha mo cuort aunc inagada la ruina da Putnengia, igl archiv communal ed il susteniment dallas lavurs dalla suschna a Bugnei.
4. Il cassier Tarcisi Hendry dat in clar e detagliau rapport da quen: Quel siara cun entradas da 10'247.30 ed expensas da 7'486.10. En cassa restan 4'586.55 francs. Las expensas ein stadas la cumpra d'in taler dal vegl calger da Rueras, bonificaziun a Marcus Munsch per sia lavur pertuccont ruina Putnengia, il calender 2002 e diversas contribuziuns da susteniment.
5. La contribuziun dils commembers vegn laschada sco tochen cheu.
6. a) Program da lavur: **Archiv communal**. Cun il local da fam. Cavegn-Groth alla via Gionda havessan nus la caschun da survegnir in bien ed era grond spazi da rimnar e presentar la cultura locala. Ils cuosts da tscheins, forza electrica ed indrezs calculein nus denter 5 -10'000 francs. L'idea da realisar quei archiv ei segir exemplarica ed era unica en la Surselva. Denton senza agid e sustegn annual dalla vischnaunca ei quei buca pusseivel da realisar.  
  
b) **Putnengia**: Per executar las lavurs ei ina cumissiun da baghegiar vegnida instradada. Cheu fan part: André Schmid, Marcus Munsch e Vendelin Hendry, La vischnaunca ei prompta da sustener fa denton certas pretensiuns. Ulteriuramein vegnan diversas instituziuns dumandadas per susteniments.
7. **Ulteriur program**: Previu da far ina viseta il meins da november el museum dalla claustra a Mustér cun encurir in referent per in tema adatau. Pli anavon vegn menziunau l'idea da realisar ina carta culturala per la val Tujetsch. Las Ovras da pader Baseli Berther fussen pinadas per ca. 95%, quei che maunca ei la bibliografia.
8. Varia: Sut varia vegn la lavur che l'uniun ha prestau cun la pro Helvetia il di dallas portas aviartas dalla AT menziunada. Ch'ins ei vidlunder da realisar ina exposiziun dals maletgs dal fotograf Brunner. (Portrets d'affons indigens dils onns 40).

Silsuenter havein dau in sguard el local da Carli Cavegn-Groth, per presentar quels als interessai e la radunonza ei vegnida serrada.

Rueras, settember 2002

Bruno Berther, Rueras, actuar  
